

Հաշվետվություն

Արտակարգ իրավիճակների նախարարի տեղակալ Արա Նազարյանի՝ Ինդոնեզիայի Հանրապետություն կատարած գործուղման վերաբերյալ

1. Անունը, ազգանունը.

Արա Սուրենի Նազարյան

2. Ջրադեցրած պաշտոնը.

Արտակարգ իրավիճակների նախարարի տեղակալ

3. Գործուղման վայրը և ժամկետները.

Ադետների ռիսկի նվազեցման 7-րդ գլոբալ պլատֆորմ, Բալի, Ինդոնեզիա, 2022 թ. մայիսի 23 – 28

4. Հրավիրող կողմը.

Ինդոնեզիայի կառավարության Ադետների ռիսկի նվազեցման 7-րդ գլոբալ պլատֆորմի ազգային հանձնաժողովի քարտուղարություն, ՄԱԿ-ի ադետների ռիսկի նվազեցման գրասենյակ

5. Գործուղման նպատակը.

Ադետների ռիսկի նվազեցման (ԱՌՆ) համաշխարհային գործողությունների ամփոփումը, ԱՌՆ Սենդայի գործողությունների ծրագրի միջնաժամկետ ամփոփման իրականացումը անդամ պետությունների կողմից, համայնքային մակարդակում դիմակայունության զարգացման խթանումը «Դարձնենք քաղաքները դիմակայուն» ծրագրի շրջանակներում և անդամ պետությունների կողմից հաշվետվողականության իրականացումը

6. Քննարկված թեմաները.

1. Ադետների ռիսկի կառավարման (ԱՌԿ) ուղղությամբ ազգային ռազմավարությունների ընդունման ընթացքը և առկա խնդիրները.
- ԱՌՆ հաշվետվողականությունը՝ փաստահեն որոշումների կայացման համար,

- ԱՌՆ ֆինանսավորման եղանակները, մոտեցումները, հաջողված մեխանիզմները,
- Կլիմայի հարմարվողականության և աղետների ռիսկի նվազեցման օրակարգերի փոխկապակցվածության և փոխլրացնող ծրագրերի համադրումը առավել շոշափելի արդյունքների հասնելու համար,
- Հանրության լիակատար ներգրավման ուղղությամբ հաշմանդամություն ունեցող անձանց և խոցելի խմբերի ակտիվ ներառումը ԱՌՆ գործընթացներում,
- Անդրասիմանային աղետների դիմակայունության բարձրացումը տարածաշրջանային համագործակցության ընդլայնման եղանակով:

2. Առաջիկա հնգամյակում վաղ ազդարարման համակարգերի զարգացումը անդամ պետություններում՝ իբրև Մենայի ԱՌՆ գործողությունների ծրագրի թիրախային առաջնահերթություն (ՄԱԿ-ի Գլխավոր Քարտուղարի ուղերձը):

7. Հանդիպումները, ելույթները, բարձրացված կամ քննարկված հարցերը.

Ա. Տեղի է ունեցել Հայաստանի պատվիրակության պաշտոնական հանդիպումը ՄԱԿ-ի ԱՌՆ գրասենյակի ղեկավար Ռիկարդո Մենայի հետ, որի ժամանակ պ-ն Մենայի կողմից բարձր է գնահատվել Հայաստանի մասնակցությունը ԱՌՆ տարածաշրջանային և համաշխարհային գործընթացներին:

1. Քննարկվել է առաջիկա հոկտեմբերի 13-ին՝ ԱՌՆ միջազգային օրվան ընդառաջ, իրազեկման միջոցառումների, աշխատաժողովի անցկացման հնարավորությունը, ուղղված վաղ ազդարարման համակարգերի զարգացման խնդիրներին՝ ներգրավելով գիտական հասարակության, համապատասխան ծառայությունների և գերատեսչությունների, տեղական և միջազգային կազմակերպությունների ներկայացուցիչներին:

2. Քննարկվել են վաղ ազդարարման բազմա-աղետային համակարգերի զարգացման, տեխնիկական կարողությունների բարելավման խնդիրները և հնարավորությունները՝ ՄԱԿ-ի ԱՌՆ գրասենյակի և աջակից դոնոր կազմակերպությունների միջոցով:

Բ. Բարձր մակարդակի հանդիպումների շրջանակներում իմ կողմից իրականացվել է զեկույց “Դիմակայունության մտորումներ. Փոխելով մոտեցումները ԱՌՆ ֆինանսավորման շուրջ” խորագրով նախարարական կլոր

սեղանի ընթացքում, ներկայացվել են Հայաստանի փորձը, մարտահրավերներն ու ձեռքբերումները:

8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը.

Առաջարկվել է քննարկված խնդիրների և գործողությունների շրջանակներում շարունակել ակտիվ համագործակցությունը Եվրոպայի և Կենտրոնական Ասիայի տարածաշրջանի ՄԱԿ-ի ԱՌՆ գրասենյակի հետ՝ համապատասխան փորձագետների ներգրավմամբ հետևյալ ծրագրերի շրջանակներում.

1. «Դարձնենք քաղաքները դիմակայուն» (MCR2030) ծրագրի շրջանակներում աջակցել Հայաստանի համայնքների ներառման գործընթացին, ցուցաբերել խորհրդատվական աջակցություն քաղաքների դիմակայունության գնահատման իրականացման և ԱՌՆ գործառույթների ներգրավման ուղղությամբ:
2. Սենդայի ԱՌՆ Միջնաժամկետ գնահատման և հաշվետվության նախապատրաստման ուղղությամբ անցկացնել անհարժեշտ հանդիպում-քննարկումներ և աշխատաժողովներ՝ ՄԱԿ-ի ԱՌՆ գրասենյակի կողմից ներկայացված ուղեցույցի շրջանակներում հաշվետվության պատրաստման ուղղությամբ, համագործակցելով ՄԱԶԾ Հայաստանյան գրասենյակի, ԱՌՆԱՊ հիմնադրամի և ՄԱԿ-ի ԱՌՆ փորձագետների հետ՝ կազմակերպչական և մեթոդական առումներով: Արդյունքները, մասնակից պետությունների տվյալների հետ համատեղ, ներառվելու են Նյու-Յորքում 2023 ամենաբարձր ներկայացուցչական մակարդակով կայանալիք Գլխավոր Ասամբլեայի նյութերում:
3. Իրականացնել նախապատրաստական աշխատանքներ ս/թ հոկտեմբերի 13 -ին ԱՌՆ միջազգային օրվան նվիրված հանրային իրազեկման և վաղ ազդարարման համակարգերի զարգացման աշխատաժողովի կազմակերպման ուղղությամբ:

9. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.

1. ԱՌՆ Սենդայի գործողությունների ծրագրի միջնաժամկետ գնահատման գործընթացի համակարգման համար առաջարկվում է ԱՌՆ համապատասխան ստորաբաժանման մասնակցությամբ իրականացնել աշխատանքային քննարկումներ շահառու կազմակերպությունների հետ :

2. «Դարձնենք քաղաքները դիմակայուն» ծրագրի խթանման ուղղությամբ առաջարկվում է իրականացնել խորհրդատվական հանդիպումներ տեղական ինքնակառավարման մարմինների ներկայացուցիչների հետ:
3. Աղետների ռիսկի նվազեցման միջազգային օրվան նվիրված միջոցառման կազմակերպման համար առաջարկվում է պատրաստել հնարավոր միջոցառումների ցանկը և պլան-ժամանակացույցը:
4. Վաղ ազդարարման համակարգերի բարելավման ուղղությամբ առաջարկվում է կազմակերպել մասնագիտական աշխատաժողով ԱԻՆ և այլ հնարավոր շահառուների համապատասխան ներկայացուցիչների հետ:

10. Գործուղվողը.

Արա Սուրենի Նազարյան

11. Ստորագրությունը, ամսաթիվը.



31 մայիսի, 2022թ.